

E L E G I A

P O P U L I

Pope (a) m. Part

In MEMORIAM

INFELICIS NYMPHÆ,

In Latinum Versum reddita.



L O N D I N I,

Impensis M. FLETCHER, in Oxon, & M. COOPER,
in vico vulgo dicto *Paternoster-Row*.

M D C C X L I V.


LETTER

P O P I

MEMORIAM

IN FIDELIS NYMPHE

In Latinum Verbum Reddita



L O N D O N

Impensis M. Fletcher, in Oxon, & M. Cooper,
in vico vulgo dicto Paternoster-Row.

MDCCLIV.



ELEGIA POPULI

In Memoriam

INFELICIS NYMPHÆ.



CQUID adest Spectrum, fallacis Lampade

Lunæ

Invitans digito, nemus atrum flebile monstrans?

Est Eadem! ---- sed cur Pectus sic turpe Cruore?

Cur rubet aërium Ferrum lugubre coruscans?

O semper formosa, mihi dic semper Amica!

Sit violentus Amor Coelo culpabilis Error?

Vel Paphiæ Divæ, aut Romanam assumere Partem,

Cor gerere indoctum, aut submissum cedere Amori:

Nonne manent Animas illustres præmia posthac

Quæ pulchrè pereunt, sapiunt vel more Deorum?

Dicite,

Dicite, quare aliter statuistis Numina ! Mentem
 Sublimem Carnis terrestria spernere Vota ?
 Sedibus Ambitio primum est exorta beatis,
 Coelicolis ipsis, et Divis nobile Crimen :

Inde fluens, Terram nostram assimilavit Olympo 15
 Fervescens Regum atque Heroum Cordibus imis.

Rari audent Animæ (fateor) violare latebras,

Indigno miseri Captivi carcere Carnis :

Languentes Tædæ pereunt quæ tempore longo

Obscurè nitidæ, ceu Lumina mœsta Sepulchri. 20

Sic Reges ignava Orientis Vincula Pacis

Indulgent, Vitamque terunt ignobile Somno.

Talibus, invita hanc Natura, ad Limen Olympi

Eripuit miserans divino Numine Fatum.

Ceu Vapor ascendens tenuis de Flumine raro 25

Cognatas linquens Fæces se purgat in Auras ;

Sic propriam Sedem repetivit Virginis Umbra,

Corripuitque fugâ quicquid fuit Orbe colendum.

Tu verò, sacrae Virtutis perfide Custos,

Improbe ! fraterni desertor Sanguinis ater, 30

Aspice, ut Ora tremunt crudeli pallida Morte !

Os modo purpureum, roseoque infigne colore :
 Heu ! gelidum Pectus quod totum incenderat Orbem ;
 Extinctis Radiis languescunt Lumina Amoris.
 Sic, sic (hoc Oculis Coelum si conspicit æquis) 35
 Unâ Sponsæ omnes, omnes Natique peribunt :
 Imminet invisæ Stirpi vindicta tremenda,
 Ostiaque horrescent diris obseffa Feretris :
 Præteriens hîc Turba fluent, dicentque notantes
 (Dum Via longa ferâ nigrescit Imagine Mortis) 40
 Ecce illos quos Duritie damnavit Erinnyes,
 Exitio inspirans mansuescere nescia Corda !
 Sic ruet ad Manes quicunque superbit, in Horam
 Infelix splendens, Stultorum Gloria vana.
 Sic pereant quæis non aliorum Gaudia Cordi, 45
 Indoctique Hominum miseris mitescere Damnis.

Ah Virgo infelix ! læsam quid molliat Umbram ?
 Neglecti cineres, oblitaque Munera mœsta :
 Te nullæ rorant Lachrymæ, tibi nullus Amicus
 Pallentes mulcens Manes decorare Feretrum. 50
 Ignotis Manibus morientia Lumina clausa ;
 Composita ignotis Manibus sunt mollia Membra ;
 Ornata ignotis Manibus fuit Urna pudica ;

Reliquiæ tantùm Peregrinis causa doloris.

Sin nemo mendax pullatus Veste fluenti 55

Pro Forma simulans Luctum se fingat Amicum,

Impius irridens Angores Mentis honestos,

Audax visus adhuc Ludis, Noctisque Choreis ?

Sin nulli aligeri Pueri ornent triste Sepulchrum,

Nec Parium Marmor Vultus imitetur et Ora ? 60

Sin tibi non sacrâ Fas sit requiescere Sede,

Nec lugubre querens Threnus placaverit Umbram ?

Sponte tamen tumulo Florum nascentur Odores,

Terra premetque virens teneros tibi molliter Artus :

Hic primùm sparget Lachrymas Aurora nitentes ; 65

Hic Rosa primitias Anni spirabit amomum :

Reliquiis ornata tuis humus ipsa sacrandâ,

Dum super Ætherei volitant plaudentibus Alis.

Sic fine Laude carens Saxo pia Virgo quiescit,

Formâ olim et Titulis, Famâ Gazisque beata. 70

Heu ! quid Amor, quid Honos Orco tibi profit inani ?

Quid Consanguinei clari, magnique Parentes ?

Reliquiæ tantum Cineres, miserabilis Umbra !

Sic fera Fata æquant humiles pariterque superbos.

Gens Vatum, simul ac Heroum debita morti est, 75
 Immemor hæc Laudis, Musæ immemor illa benignæ :
 Ille etiam jam Corde dolens, hoc Carmine lugens,
 Ille etiam Lachrymas frustra mox poscat amicas ;
 His tua tunc Oculis languescet gratia Formæ ;
 Tunc divulsus Amor discedet pectore nostro ;
 Supremus Gemitus Vitam hanc disperget inanem,
 Et dulces Musas, et Te, memoranda ! Silebo.



Genus Vatum, simul ac Hectorum debita morti esse.

Immemor haec Iudis, Mulae immemor illa perignae :

Ille etiam jam Corde dolens, hoc Carmine lugens,

Ille etiam Lachrymas frustra mox polcat amicas ;

His tua tunc Oculis langueret gratia Formae ;

Tunc divulsis Amor dilectet pectore nostro ;

Supremus Gemitus Viam hanc disperget inanem,

Et dulces Mulae, et Te, memoranda ! Silabo.



